

欽定盛京通志卷之一百十八

國朝藝文 四

頌

欽定盛京通志

卷一百十八

目錄

一

欽定盛京通志卷之一百十八

國朝藝文 四

頌

聖駕再幸

盛京恭謁

祖陵恭頌

謹序

甲戌

梁國治

臣聞昔受圖於翠嬀錫玉於延喜明王者升福肇祉假天顯命之符也越有周文武誕集大統丕景光烈至於成王洋溢雅頌推本太王王季

欽定盛京通志

卷一百十八

國朝藝文四

一

上溯公劉后稷陳沮漆豳渭皇澗過澗岐陽豐鎬之迹陟降荒度疆理揀築修平攘剔之勤升歌告廟以施孫子以昭來許洪惟我朝繼周室之隆軌紹千祀之遺緒粵自

太祖肇造函夏開乾闢坤榮鏡乎宇宙威愓乎雷霆殷烈祖之洪熙宅遼瀋而作京及我

太宗內矢文德外暢武威協運承統張綱緝維當此之隆籌畫若神明將卒如雲雨式廓疆圉萬國景附是以我

世祖因天人之符遂來蘇之望包舉六合亘被八荒使  
水火納於衽席闇昧燭於光明也我

聖祖繼之祗祗繩繩仰則天經俯協地紀翔異風於南  
箕浹兌澤乎離畢乃睠

祖烈展慕乎

山陵蓋六十一年三用享焉越我

世宗虔思廣運辰居建極適自藩服膺  
命陟薦而靖惟疇典十三載而不違我

皇上聖德純孝纘膺

欽定盛京通志

卷一百十八

國朝藝文四

二

丕基乾隆八年秋躬詣

盛京齋肅致敬告觀

山陵望長白徧羣神懿豐融洽壬林

皇帝穆乎精凝於盼溼之宇淵乎氣接於穆清之庭  
綜括山海殫悉圖經趾歛地寶雕錯天榮剖織  
析輿構響研形披發聳贖振耀流聲揆

天藻而作賦蓋古今莫之與京也且夫聖人之德無  
以加於孝記曰大孝不匱言備物博施也王者  
撫萬國度四方施法大明日月所照齒髮之屬

莫不砥礪今析木之次北冥之壻候尉藩籬衛  
我

陪京蓋川嶽靈祇儲符獻珍庶幾

雲日之光景焉我

皇於是推天時順斗極稽禮經練吉日以十九年五  
月甲申恭奉

慈寧乘

安輿發京師開閭闔駟飛龍磔鼉鼓鏗鯨鐘翠蓋邳偈

玉鑾玲瓏太常招搖鳴鳶雄虹嚴簿星列羽騎

欽定盛京通志

卷一百十八

國朝藝文四

三

雲從陵山耀野掣電超風殷動天地焱焱隆隆  
梁灤杠潞聿臻乎

避暑之宮爾乃越近塞啓北垠千閭洞達萬幕聯  
屯翬軒罩景飛陛流雲凌扶搖之雄風鑿淳洪  
之清津霽澈霄嶠曠朗蒼雯丹壁翠巘華錯英  
紛

天子曰欽哉維

皇祖鴻駿懿鑠和壹中外陟降斯宇予其敢不肆靖迓  
天之申命越孟秋初吉日次鶉尾爰詔卒徒程勇奮技

乃發中關徑巖阨踰迴日之梁揭羊腸之水鑽  
磨鋌擁羈矢控湛衛執象弭前驅霧合後騎雲  
靡影躡飈流光儵電駛其校獵也則獫鬻鷹攫  
百獸羣駭顛踣駭駭精散魄解顛林石蹶榛叢  
獖嬰鎬走罹量搏磨兔倚麋狻斑摧虓虎脰絕  
懸熊膏侵土碧血染輪紅口嚙飛鏑足跋霜鋒  
或穿髀拉藏於莽曷之廣野或形僵景僨於蘄  
崑之高峯其訓練也則地軸移屯天星按部握  
機連衡覆霓壓堵右牝左牡先偏後伍舒翼張

箕方金圓土叱咤動風雲闕哮震貔虎煽若激  
圓曜而閃燿味若拔五岳而扞拒聾耳則霹靂  
倒迴駭野則山靈氣沮蓋帝王所以纘遐烈耀  
神武也且天地者萬物之祖王者天地通氣故  
以經紀不忒神明列序峩峩長白峻極無際倒  
景重溟噓吸元氣雲雨之司祥暉黻黷北則頊  
冥疏流三江滂湃控引島夷萬里襟帶寶散天  
琛珠懷月氣千有億年恬波無沸非夫  
功至德洽曷能受命將事者乎然後

在天之靈者也爾乃徘徊弭節言莅

陪都乾運立極坤靈啓圖崢嶸列雉赫奕千櫨寫  
極上穹巍乎

天居昔在

烈祖來同車書我

皇再至永維

顯謨闢正殿以受朝擁環衛之周廬儼飛龍於翔鳳晃  
日麗而霞舒乃申舊章渙大號增爵秩之賜下  
蠲復之

欽定盛京通志

卷一百十八

國朝藝文四

六

詔頒錫守土之人吏存問舊都之耆老輕省嬰絻  
之罪人優飫遠徠之享勞使萬里同風中外同  
教我

皇於是恭奉

皇太后延釐挹祥頌南山之壽晉萬年之觴擗廚莆進  
瑤漿華實選腴陸海傾藏千鍾萬品羅陳芬芳  
備韶舞之羽佾奏鈞天之宮商覲麟皇之儀舞  
發風雲之浩倡張讌飲乎豐沛命故老乎南陽  
天人氣洽第祿滂洋兆庶蒙被歡娛無疆絜

聖孝之不匱極天地乎等量

皇帝方淵懿篤恭敬凝

天庥惟精惟一協和剛柔志存乎宵旰心營乎方州秉

乾健之惕厲凜衣袂於敬修惟後嗣之克艱厘

顯承乎詒謀思登假於三五庶永言夫作求如

是故保佑申錫而福祿適也又奚崇耀軒禹侈

躋成周者哉

臣叨侍

講帷職司譔輯伏覩

大典隆盛頌揚之音充盈天地不勝歡躍忭舞伏作

欽定盛京通志

卷一百十八

國朝藝文四

七

頌一篇凡八章拜手頓首敬獻

闕下其詞曰

維

帝赫臨肇寧萬方我

皇祖德類適章天慶

帝賜東土往受延昌開極經紀告承明貺萬國奔走沐

日月光闢地廣大寵荷

上蒼一章

震方東陽天地氣貴不咸醫閭雲霞掩霽鬱哉

山陵龍婉鳳翹

聖人篤生為天地嗣奄宅四海莫不保治

德澤洪奕述天地事 二章

昔

聖祖嗣服曰予明命攸屬率惟彝型往薦寅肅孝章天

儀睠慕精矚龍衣黼黻羽旄芬郁芒芒山海曰

予一人攸域孝熙丕純綏萬年祿 三章

肆我

皇克受是劼是究肅若假典既饗來又

欽定盛京通志

卷一百十八

國朝藝文四

八

孝德殷盛光大休祐輯若萬國莫不被覆赫赫烈烈

于搜于狩文武維

皇德威惟

后 四章

申命干

皇天載纘

祖功夙夜懷畏予惟冲冲高山穹窿江海鴻洞日兮月

兮休感予中天地開闢寵祿殷豐予前日業業

格休



皇穹 五章

浩浩

聖德昭彰顯光龍旗大輅肅陳

明堂

皇帝布惠洪延萬祥休氣盈溢物各豫昌三階景明

德義炳煌願嗣福裕亘天地長 六章

翼翼

盛京

皇化純茂維

欽定盛京通志

卷一百十八

國朝藝文四

九

世德格被自我敷佑灑灑太古乾坤塞構鞏億萬年祝

文母壽大矣

孝德直洽寰宙甘醴在庭麟皇在囿 七章

天祚我

聖皇弗祿有常邦國用昌民用和良

天子曰於惟繼序弗忘肆

昊天顯命子

列祖耿光一人克敬萬邦之慶於惟緝熙永迪懿祥 八章

聖駕再幸

秘雞渾七曜金徒候日昃之勤岱頂嵩申獻祥  
書於鏐檢吳歛越唱遍謠頌於朱垠洪惟神女  
降祥大東卜宅真人建業朔易開基綃帳葛燈  
陶穴本

堯門之舊璇宮銀洞

祠壇闕

軒鼎之遺載啓

文孫誕膺

成命循上

欽定盛京通志

卷一百十八

國朝藝文四

十二

陵之懿典摛賦海之鴻章幽館玉瑤常陳

皇覽蕃方傑侏更佇

帝臨爰於鳳紀之周星再見

鸞輪之動地若榴似火迎

葆衛以舒紅蒲葦成茵列

旌門而映碧灤魚入饌清宵侍

天母之筵塞馬傳書乙夜省臣工之奏時維六月

駕幸山莊瞻翠琬而光闡

聖圖撫丹楹而導揚

祖烈赫曦歆景不臨清暑之宮仙掌修莖自泫招涼之  
館鍾峰轉靄披爽籟於南端獅嶺蹲崖摘明星  
於北戶萬壑松濤之聽戶罨陰雲四山乳脉之  
懸時移火樹沿堤芝逕蘭華自綴於文槐曲水  
荷英珠葯紛披於鏤檻平沙列幕雲屯朱汗三  
千夾鏡重湖屏列青芙十二軫祁寒于板屋坐  
燭螟巢勤布政于瑤階

躬釐鵠序綸連

聖藻丹青壯寰宇之觀噲嗒

欽定盛京通志

卷一百十八

國朝藝文四

十三

天歌宮徵發川原之響維時夙沙務面前輩披忱春  
雨自零戀燠之禽先集秋霜遠擊懷寒之馬知  
歸矧夫鳴鏑之驅除焚巢潰卵遂乃歛關而懼  
伏食黜懷音引領虞干不陳露犬統牛之貢投  
身湯網自厭焦頭頰尾之勞降書已達于  
帝闈亭障遙傳于邊候

天垂解澤甦魚鳥于滄溟

日擁霏雲靜蜩蟬于莞簟霞漿玉醴與沆瀣而俱傾  
鳳管龍絲雜饒歌而並奏班璜授賞文身資章

甫之華胙土論功折筮拜真王之貴燈宵燕集  
煥綵樹于長離綺席賡吟綴華璫而合璧洗兵  
戎于瀚海簫勺同文徵尉候於流沙昌弧奉籙  
律移無射令轉蓐收乘萬物之權輿展初秋之  
法駕鈞陳清

蹕山祇夙戒於非煙俞騎前驅

行幄先成於匪日披星結軫

辰旂指析木之躔向夜傳餐

月駟薄搖光之舍名王負弩捍牧圉于陰山迺卒

欽定盛京通志

卷一百十八

國朝藝文四

十三

周廬掘鈞鈴于乙帳文驪赭白攻駒苜蓿之園  
桐酒黃羊式燕琉璃之醖平疇草淺正驂騮逸  
足之場玉宇涼高肅鷹隼凌霄之翮會烝徒而  
表貉列缺騰鞭周截薛以展輪豐隆夾轂駢弓  
手御扼狡獸於崇岡黃矢

親調殪剛蟲於邃谷螭騰虬踴聲傳天馬之嘶虎攫  
麟超雷動王師之氣夔陳舜甑驍媒辨由鹿之  
音瑞兆姬璜鈞渚叶射熊之夢敷大庖於吉日  
獲必彘雙校簡力於長場吞其八九京薪爛朗

獠徒識茶火之容陸網疇分殼騎習鸛鷺之陣  
觀風皇澗入豐蔀而其咨

駐罕周原考前經而于邁爰諏良日載莅吉林碧柳  
遙看北戒合元都比景白山凝睇東封與日觀  
同尊熙

景祐之裁基祥徵

帝武瞻溥原之式廓戶近神樞襟百濟之雄封納三  
韓之王氣森蕤木葉承

御輦而敷茵澹沲松花漾

欽定盛京通志

卷一百十八

國朝藝文四

十四

宸旂而滑笏長庚屆節瓊廬騰

萬歲之呼韶齒迎

鑾金版紀十年之聚肅鳴騶于砥道栖畝同雲  
詔省歲于茨椽廣場比櫛

霓旌沛艾經枌社以周遊輦紀環維謁  
珠邱而將事瞻言

榱桷申孝感于履霜省識

陵園竚

神遊于在嚙重旃曲蓋

黼幄森陳朱草華平

橋山夙植奠椒漿于銀甕竹葦流膏颺標燎于蕭光毛  
魚列鼎冠華秉翟總干陳大武之容嚴鼓鏗鐘  
緼瑟和咸英之奏犛牛服軛歸

遁駿於

前寧鄙黍奉盛告屢豐于十稔鞞琫容刀之飾烏奕如  
新櫟据伐木之場青蒼逾昔緹箱累襲啓組練  
于犀函筍席捐雕樹崇牙于鹿角亘徊左序卿  
雲糾縵之章眷顧

欽定盛京通志

卷一百十八

國朝藝文四

十五

靈衣韎韋帶裳之舊紀威弧于參伐斨合蘭筋策大白  
于駟房形鐫石馬岩堯樓觀鳳皇接翼於

慈輿掩靄方壺鮫鱣恬波于

聖籙桐圭作瑞奉璋先麟趾之英毳幕來賓飲福列  
燕毛之次秀眉紺髮斟綠螿而酌懸匏玉藻瓊  
敷絢丹騰而摛寶篆恩孚棘土張疎網於秋荼  
頌溢畝邱靜催租于夜柝傲顧暑于鴈紀績媿  
朱宣均挾纊于雁臣歡騰清籟慶霄禔福蘊柴  
而禮百神昧景垂庥芴草而修遼祀入新豐之

闐闐雞犬知歸同在鎬之燕遊魚龍不去然後  
班文轉駕

鏤象回鑣萬雉當關鐵嶺之戈鋌動色雙虹夾道凌  
河之簫鼓無譁宅

太紫以停旒淵涓齊量

御訾黃而載旆月蝟由庚般裔來遊沐融臯而澍渥  
昭晻旁達歆協氣之棣通臣未奉

屬車幸依

仙仗睽居南紀瞻北極而先傾陋比夏蟲聽春鯨

欽定盛京通志

卷一百十八

國朝藝文四

十六

而率舞陳詩

清廟敢云小相非能結想卷阿敬附矢音之末謹拜手

稽首而獻頌曰

帝薦蕃釐

天垂寶命朱果開祥

丹陵啓

聖八部龕夷三階篤慶道契銅渾功叅金鏡

其一

周邠考室漢沛歌風重欄秘臧

寢殿藏弓巍連峒嶺儉合蒿宮高山荒度豐水攸同

其二

敝社膺圖

華旃曜彩巡洛禮河導江觀海風舉時蘇

天行道在吏礪平端民懷幸凱 其三

言稽往牒曰止

陪京瑤緘考懿

珠典昭清節奠旋易歲籥載更禮隆報本契合

感生 其四

澗戶延熏霞莊澹暑蘭茝池臺松篁棟宇景福

裁基渠搜卽敘治洽

欽定盛京通志

卷一百十八

國朝藝文四

十七

前文光施下武 其五

道遊星指陞櫓雲垂景員廣漠朔野逶迤言瞻

複廟載啓瑞闡邠岐方駕鄩杜同規 其六

禹蹟四遊羲壇六位懷柔孔延禮樂明備

葩瑤葳蕤

庶旄琴麗用配於

京永錫爾類 其七

景炎於鑠文軌溥將鐫芳玉鉉襲慶珠囊金船

起陸歆鼎升香大矣孝熙承



天之況 其八

聖駕四詣

盛京祇謁

祖陵禮成恭頌

謹序

癸卯

周 煌

皇上御極之四十有八年秋八月乙亥自灤陽啓塗

前詣

二京有事于

三陵溯自乾隆八年十九年四十三年至是凡四勤展

謁

欽定盛京通志

卷一百十八

國朝藝文四

十六

盛典隆禮次第有加

解澤渙號遐邇周浹惟時

鑾輅由承德府平泉州至烏里雅蘇臺城復自建

昌縣朝陽縣至洛爾沁土默特界袤延千有餘

里皆非前巡所經攬上塞之沃饒循老邊之寧

謚

觀獲省穡則殷阜徧于村氓閱射行圍則恪恭徵于

藩服 臣 嘗伏讀

諭旨有云境之履者益以習蹟之著者益以晰此在

三巡已然今復閱

虞巡之五載矣而

蹕路之悅來與旗民之熙皞又有百年必世適際其

隆不啻愈久而愈彰者用是形於

詩歌見諸紀載彝章大備謨訓同彰蓋卽

茂典之踵行舊制之沿襲而

大聖人至誠之德純孝之思亶亶惓惓勤勤懇懇與

天健同其不息率

祖考邁其攸行誠有非詞臣墨卿之所能贊擬萬一者

欽定盛京通志

卷一百十八

國朝藝文四

九

矣洪惟

國慶洵臻

天庥滋至恭遇

年逾古稀之

聖主重巡地當全盛之

留都臣伏見

列朝寶冊于去歲七月鐫造告成孟冬時享薦於

太廟此次奉

累葉之留貽藏邠岐之

世室而

宗廟之嚴至矣奉天十八處城工越五稔尅三限以次  
修繕告成金湯式鞏富庶駢闐而封疆之固至  
矣人文以久道化成典籍爲賓興先務我

皇上以四庫全書第二分繕寫歲事

申命廷臣自京齋持奔置

文溯閣耀瀛海之

奎章宏鎬京之治化而士勸于雍矣遼水渾河松花  
北海爲大東巨川全遼演潤我

欽定盛京通志

卷一百十八

國朝藝文四

三

皇上命建神祠並崇廟貌衍靈長之

國脉昭盱鑿于明禋而

神揚其職矣至倉庫之檢核經

三巡釐剔之餘而吏治官方胥歸澄敘

睿作之宏深綜

四巡編錄之後而

纘繩佑啓實裕燕詒凡若此者

臣

謹就見聞所及類

次爲頌共得九章直已陳德紀實摛辭不文是

愿臣煌拜手稽首上言

天眷我

清

祚流自東

天錫我

皇既壽而隆瞻望

山陵叶

王氣蔥蘢霜悽露惕聳誠翹心叶川以時增山以時

崇惟

古稀天子載陟載登叶繁社

欽定盛京通志

卷一百十八

國朝藝文四

三

聖躬遑憚時乘叶曰

前光允迪曰

祖武是繩

叶一章十六句

惟昔

聖祖久道長世綺甲一週

丹陵三至瞻念

神臯循行

戰地篇什留題

碑頌親製觀光揚烈繼志述事肆赦頌恩

東巡有成例紹

祖惟我

皇迺

陪京四涖仲秋練時昭陽紀歲

一章十六句

有恤

太室于

京斯依於昭

列聖陟降在茲保佑自

天綿瑞產嘏蔥嶺岩嶷崑源涓灑玉旣徂廷珍無遺野

欽定盛京通志

卷一百十八

國朝藝文四

三

是斲是鑄爰畀能者

寶冊爛然瑞輝阿那薦

廟孔宜藏

京斯可前期啓行什襲苞裏匪

今曷承匪

聖曷荷以介景福以侑以妥

三章二十二句

於鑠

二京輦道纒屬州邑雲屯如輻奏轂我

皇前巡命興功築趨則子來任以衆役

叶曾不五稔

金湯在目抱隰縈原被山帶谷萬雉斯飛層譙  
斯壘間而啓門呀而濬壑叶

鑾輿來觀受

天百祿

四章十八句

秘閣建矣層櫺絢矣東人之文富教胥勸矣璧奎  
粲矣天漢爛矣東人之文

化成是幸矣化成治隆叶首

宇京叶矣以壽以昌以昭以鴻叶風以同叶矣欲

以從叶矣是訓是行叶近

欽定盛京通志

卷二百十八

國朝藝文四

三

天子之光矣

五章十六句

巨流瀾瀾溯源遼水襟帶

日畿津梁地紀湯湯渾河流入英峩

興京門名漢輸沃

野演漾恬波松花粟未繡江活活衍

祚靈長同源于闕

闕門長白山潭名

河之廣矣江之永叶矣

滙于大瀛

鴻慶遐邇

瀆靈爭趨谷王陽侯禮咸秩矣徧懷柔矣

六章二十句

我廩既高我庾既富叶東人含哺惟

天子賜我府不竭叶我庫惟實叶東人飲冰慎爾官  
守叶自

天降康始自

京國我東屢豐我

皇來省稽百僚師師不懈于位我東時敘我

皇來課吏七章十六句

聖有謨訓嘉言孔彰昭茲來許東壁之光

帝庸作歌以雅以南叶來游來歌韶濩之音五載紀

成禮三載踵成事

欽定盛京通志

卷一百十八

國朝藝文四

三

至孝垂典常曰

皇子是使

大業俾無極

大猷俾無斁

至孝蔚篇章曰

皇子是則八章十六句

全遼左右車書咸鞅懷

德日新

造邦由舊或

覲于廷或迓于道叶或陪于位或從于狩媚茲  
一人俛于我

后札薩遊藩戚畹勲胄暨樂浪陬小大稽首祝

聖人富祝

聖人壽周復

時巡鳴鑾來又九章十八句

聖駕四詣

盛京恭謁

祖陵禮成恭頌

謹序

癸卯

梁敦書

欽定盛京通志

卷一百十八

國朝藝文四

三五

皇上御宇之四十八年秋八月諏吉

啓鑾東莅

陪京四謁

三陵懿爍乎純久凝釐典洽禮備禕矣懋哉臣嘗考周

京祭畢為山陵禋祀權輿厥後上陵之曲宣勳

樂府漢幸南頓朝原陵章陵唐過晉陽舊宮間

修故事惟是視奩上食賜復賜脯章儀未備若

夫繁祉重熙繩悠久而益融介景惇華秩祐克

申錫于無疆者史冊稀聞鴻惟



聖清肇祥朱果

慶演滿珠

樹基震旦遂

建都于瀋陽其地嶽峙海蟠俗龐物阜轢郤軼邠握春  
柄以

光宅區寓用昭四極會歸

鴻謦盛業

裕翼綿長我

皇上純孝光敷羹墻申慕曩自乾隆八年十九年四

欽定盛京通志

卷一百十八

國朝藝文四

三六

十三年展謁

靈原勤揚

光烈之盛心洞洞屬屬著於

詩篇臚於

綸誥儀文粲備謨訓同符繫天下臣民咸所覩仰矣

臣惟易曰天地之道恒久而不已也得天者久

照則天者久道化成嘉祥之致儀度之隆閱久

而以時畢集

聖天子纘繩

祖武式煥

前猷敬

天勤民宵衣旰食四十年孜孜如一日

閱休偉績臣請舉其最著者猗若

德威遠被則月崦雪山如在戶闥二萬餘里延廓

版圖覃敷

文德則

皇極敷言燭霄麗漢榮鏡藝苑薈萃羣言掇其琳瑯  
儲為四庫集今古之大成展義

欽定盛京通志

卷一百十八

國朝藝文四

二十七

時巡則中嵩東岱南及江淮籌河觀海為蒼生計鞏  
固之安欣逢

壽宇恬熙孚惠

錫福藏富于屢豐全蠲正賦者三普免漕糧者再前  
後給復億秭京坻不可勝計懿夫千載罕遭之

昌會惟

大聖人篤念

貽謀茂敦

繼述樹丕丕基於億萬年迺復永懷

締造祇舉四謁

原陵之禮肅將祀事有睟其容敬奉

芝檢金函尊藏

闕宮溯本崇文度貯

寶閣維時川瀆懷柔明禋

祠宇霞堞雉墉告歲功者十八所爰舉舊章沃

醴樹備行

錫宴賜爵優老育士肄射蠲租宥胥諸政典臚歡雷

動仰惟

欽定盛京通志

卷一百十八

國朝藝文四

三

對越之誠弗懈滋恭

闔澤之敷有加靡已烝哉

聖人之德無以加于孝乎斯其爲久道化成純亦不

已者乎臣世受

國恩屢荷

簡擢官

禁近貳南臺雖自媿弁鄙不文而飽見飫聞願附

於

堯衢之歌諺謹擬頌十二章恭呈

乙覽臣誠懽誠喜拜手稽首而獻頌曰  
聖皇凝命久迪

前勲

孝熙純嘏四展

橋山敬觀

弓劔

締肇艱難五雲松栢靈祐永安右一章  
章八句

於顯

盛京於恤

欽定盛京通志

卷二百十八

國朝藝文四

三九

太廟埴室烟煜瘳除汎埽達嚮刮楹虔奉

冊寶式薦苾芬以饗以保右二章  
章八句

長白蜿蜒三江環之松花混同滙于天池滋演

崑脉垂永永基

睿思

孝格百神受釐右三章  
章八句

三館儲文

文思攸釋溯澗迤東維東有壁東壁之光傑閣煌煌

右四章  
章六句

神臯沃野環拱

東畿析木經絡上應尾箕層譙峻堞丹碧其輝我

皇四舉東巡之儀繕功告歲星閱五移上腴福壤德

產精微 右五章  
章十句

崇政建中

皇儀

帝容

六飛東狩百國率從蒙古朝鮮鞠脰輸忠承

恩荷

欽定盛京通志

卷一百十八

國朝藝文四

三

賜肅肅雍雍

右六章  
章八句

昉昉禹甸咸則三壤繡鱗列野膏澤濡養

帝有恩言裕留豐穰蠲厥正供裕我四輔旗民熙熙

式歌且舞

右七章  
章十句

黃髮皤皤承豫飲和迎

鑾道左

宸念孔嘉

賜之菽帛優養期頤敦龐之俗皞皞春熙率先惇善

奔走偕來

右八章  
章一十句

瑤精珠彩地毓其珍紅穿普盤侯俎侯薪菁莪

廣育

文教茂興多士摛藻言物行恒僉拜

恩命譽髦額增

右九章  
章十句

思樂伊教苻藻馨只淑問克允惟愚矜只烏報

春還

三宥澤渥

仁德好生和調玉燭

右十章  
章八句

七萃雲屯環衛列營

欽定盛京通志

卷一百十八

國朝藝文四

三

龍興勁旅世效干城雕弓既彀羽鏃如樹角藝選能疊

雙連注精鏐雪敷拜叨

異數

右十一章  
章十句

古稀天子行健日強兮

紹聞衣

德

佑啓靈長兮

皇穹昭假景運俾昌兮

禮成百福福祉瀼瀼兮

右十二章  
章八句

欽定盛京通志

卷一百十八

國朝藝文四

三

欽定盛京通志卷之一百十八